

四庫全書

經部

欽定四庫全書

九經古義卷五

長洲惠棟撰

毛詩古義

王伯厚云近世說詩者以關雎為畢公作謂得之張超
或謂得之蔡邕未詳所出棟案藝文類聚三十五
卷載張超誚青衣賦云周漸將衰康王晏起畢公喟
然深思古道感彼關雎性不雙侶願得周公妃以窈
窕防微消漸諷諭君父孔氏大之列冠篇首案其文

云康王晏起與魯詩同深思古道又同韓詩起漢末
人范書有傳古文苑云蔡伯喈作青衣賦志蕩詞淫
故張子並作此以規之邕賦亦載集中無畢公作闕
雌語

采采卷耳不盈頃筐傳云頃筐易盈之器也荀卿子引
此詩亦云頃筐易滿也卷耳易得也然而不以貳周
行大雅行葦云敦弓既堅傳云天子敦弓敦與彤古
今字荀卿子云天子彤弓諸侯彤弓正義以天子彤

弓為事不經見非也經典序錄云孟仲子傳根牟子
根牟子傳趙人孫卿子孫卿子傳魯人大毛公此傳
及行葦傳益用其師說王伯厚云毛傳以平平為辨
治又以五十矢為束皆與荀子同鄭氏詩譜云魯人
大毛公為詁訓傳
於其家河間獻王得而獻之以小毛公為博士徐堅
曰荀卿授魯國毛亨作詁訓傳以授趙國毛萇時人
因謂亨為大毛公萇為小毛公
後儒以為毛萇作詩傳非也

肅肅免置施于中達韓詩作中馮薛君曰馮中九交之

道也案說文馮正字也達或字也當从韓詩

玉篇馮古文作馮

釋草云中堯菌釋文云郭音仇舍人本作中鳩是堯
有鳩聲與仇協

南有喬木不可休息釋文云休息並如字古本皆爾本
或作休思此以意改爾案韓詩外傳息作思樂記云
使其文足論而不息荀卿子息作認說文云認思之
意从言从思禮記多古文或思息通也

江之永矣不可方思說文于永字下引詩云江之永矣韓
詩同爾雅云永長也郭璞云永所未詳是未攷韓詩

齊侯鐘銘云士女考壽萬年萊保其身又子子孫孫
萊保用昌是萊乃古永字韓詩从古文故作萊說文
永部別載萊
字未之攷也

采繁詩云夙夜在公尉氏令鄭君碑云夙夜在公即夙
字說文曰夙早敬也从夙持事雖夕不休早敬者也

義雲章及古鐘鼎文皆作夙徐鉉曰今俗作夙譌

春秋

有李獮夙左傳
作宿从古文

采蘋云于以湘之維錡及釜傳云湘亨也正義云爾雅
無文傳以當時驗之案漢書郊祀志云皆嘗醵亨上

帝鬼神小顏云鷓鴣亨煮而祀也韓詩采蘋曰于以鷓鴣之唯鷓及金湘訓亨無攷當从韓詩作鷓鴣廣雅云鷓鴣飪也音傷

白茅純束箋云純讀如屯戰國策曰錦繡千純高誘曰純音屯束也左氏傳云執孫蒯于純留漢書作屯留是古文皆以純為屯

古文純作屯
見說文

威儀棣棣不可選也傳云物有其容不可數也案朱穆集載絕交論云威儀棣棣不可美也鄭注論語云筭

數也與毛訓同

漢書車丞相贊云斗筭之徒何足選也古選與撰通周禮大司馬云撰車

徒鄭注云撰讀曰算
算車徒謂數擇也

谷風云不遠伊邇薄送我畿傳云畿門內也案呂覽正

月紀曰出則以車入則以輦務以自佚命之曰招蹙

之機高誘曰招至也蹙機門內之位也

士冠禮注云
闔門榮也闔

闔也古文闔為榮闔為蹙春秋傳曰婦人送迎不出
門見兄弟不踰闔禮記云內言不出于闔蹙即榮也
或蹙字之誤是蹙
闔字通蹙即闔也乘輦于宮中遊翔至于蹙機故曰

務以自佚也詩曰不遠伊邇薄送我畿此不過蹙之

謂畿與機古字通

旄丘詩云狐裘蒙戎蒙徐邈音武邦反春秋傳作虺茸
故讀从之棟案蒙本與虺通管子五輔篇云敦蒙純
固義作敦虺荀子引詩曰受小共大共為下國駿蒙
今詩蒙作虺小戎詩云蒙伐有苑箋云蒙虺也

有力如虎執轡如組傳云組織組也武力比於虎可以
御亂御衆有文章言能治衆動於近成於遠也呂氏
春秋曰詩曰執轡如組孔子曰審此言也可以為天

下子貢曰何其躁也孔子曰非謂其躁也謂其為之於此而成文於彼也聖人組修其身而成文於天下矣大毛公與呂氏同時蓋皆有所受之也

赫如渥赭堯廟碑云赫如屋赭案易鼎九四曰其形渥

鄭玄本作剝音為屋云三公傾覆王之美道屋中刑

之

古形與刑通見漢碑

又傳氏易萃初六一渥為笑

今易作握

鄭玄

讀為夫三為屋之屋蓋古文渥字或省文或屋字反

从水旁

五帝紀帝嘗溉執中而徧天下徐廣曰古既字作水旁

故諸儒訓詁各

異也

北風詩云其虛其邪箋云邪讀如徐曹大家注幽通賦引作徐蓋三家之說也弟子職云志無虛邪亦讀如徐虛徐狐疑也

柏舟詩云實維我特韓詩特作直高誘注呂覽云特猶直也棟案直猶殖也繁陽令楊君碑以殖為特故韓詩作直義得通也穀梁傳曰殖言同時本亦作特玉藻注云殖讀皆如直道而行之直是殖與特同又讀

為直士相見禮曰喪俟事不殖弔定本作特

義雲切
韻特作

中篝之言不可道也玉篇引作篝云中夜之言也韓魯
詩同廣雅曰篝夜也大玄玄攤曰晝以好之夜以醜
之故下云言之醜也

不可讀也傳云讀抽也匡謬正俗曰抽當為摛摛讀也

从竹摛聲摛即古抽字

皆依說
文為說

棟案說文云摛讀書

也又手部摛或从抽太史公曰紬史記石室金匱之

書紬亦讀抽也王莽傳云或紬其兩脅師古曰紬與

抽同

呂覽十月紀云涉血盤
肝高誘曰盤古抽字

象服是宜傳云象服尊者所以為飾說文曰襍飾也史
游急就篇云襍飾刻畫無等雙漢書外戚傳襍飾將
醫往問疾師古曰襍盛飾也象本襍字古文省疏以
為象骨飾服失之

鷄之奔奔高誘注呂覽引作賁云色不純也左傳禮記
皆作賁案漢有虎賁舊作奔古字通白駒詩云賁然

來思傳云賁飾也鄭箋引周易賁卦以釋之徐邈音賁為奔真得古音矣今人以賁卦之賁及詩賁然來思皆音彼義反失之詳易攷

朱育集字
奔作驥

升彼虛矣以望楚矣傳云虛漕虛管子大匡曰狄人伐衛衛君出致于虛注云虛地名

干旄詩云素絲祝之箋云祝當作屬屬著也鄭氏攷工函人注云屬讀如灌注之注戰國策曰一舉而注地於楚高誘曰注屬又周禮瘍醫職云祝藥劑殺之齊

注云祝當為注讀如注病之注聲之誤也注謂附著
藥淮南子曰冶工之鑄器高誘曰鑄讀作祝禮記樂
記云封帝堯之後于祝注云祝或為鑄蓋古字祝屬
注鑄皆同音陸氏釋文音祝為之蜀反未詳

考槃在澗韓詩澗作干棟案澗當作間與寬諼協韻間
與干古今字聘禮記凡庭實隨入左先皮馬相間可
也注云古文間作干文選注五卷引韓詩云考槃在
干地下而黃曰干

庶姜孽孽釋文云孽魚竭反徐五謁反韓詩作轍牛遇
反長貌呂覽云宋王築為孽臺高誘曰孽當作轍孽
與轍其音同詩云庶姜轍轍高長顙也

芄蘭詩云能不我甲傳云甲狎也徐邈音胡甲反匡謬

正俗曰甲雖訓狎自有本音不當便讀作狎其說非

也漢儒訓詁音義相兼毛傳如汝墳怒如調飢調朝

也小星維參與昴

集韻
作昴

昴留也騶虞彼茁者葭茁出

也谷風亦以御冬御禦也葛屨摻摻女手摻摻猶纖

織

說文作織

宛丘子之湯兮湯蕩也東山烝在桑野烝

寘也破斧四國是皇皇匡也

齊詩作匡

常棣烝也無戎烝

填也蓼蕭為龍為光龍寵也

左傳作寵

六月如輕如軒輕

摯也正月袞如威之威滅也

左傳作滅

小旻是用不集集

就也

韓詩作託

小弁譬彼壞木壞羸也

說文作羸

鴛鴦摧之秣

之摧莖也文王陳錫哉周哉載也

左傳國語作載

大明覲天

之妹覲磬也

韓詩作磬

械櫟追琢其章追彫也文王有聲

通求厥寧通述也

孫炎爾雅注云通古述字

王后維翰翰幹也

同音

寒

卷阿似先公首矣似嗣也蕩侯作侯祝作詛也崧
高往近王舅近記也蒸民古訓是式古故也我儀圖
之儀宜也江漢矢其文德矢施也

禮記作弛
與施同

閔予小

子繼序思不忘序緒也良耜畎畎良耜畎畎猶測測
烈祖醴假無言醴總也長發率履不越履禮也

韓詩
作禮

如此類不可悉舉皆音義相兼者尤蘭詩甲字韓詩
本作狎尚書多方甲于內亂鄭王皆以甲為狎古文
省少以甲為狎遂有狎音非假借也經傳中惟徐氏

釋音獨得古人之義小顏輒斥以為非何也

邶風日月云報我不述傳云述循也箋云不循禮也釋文云述本亦作術文選注引韓詩曰報我不術薛君曰術法也棟案術古文述薛夫子訓為法非也士喪禮云筮人許諾不述命注云述循也既受命而申言之曰述古文述皆作術

祭義術省鄭氏云術當為述聲之誤也

鄭風清人詩云河上乎逍遙釋文曰逍遙本又作消搖說文新附曰逍遙猶翱翔也徐公文曰詩只用消搖

字此二字字林所加棟案後漢崔駰撰張平子碑已用逍遙字不始于吕忱也但經典中祇合用消搖耳

近有徐父作字書名正字通謂莊子消搖游義文已从走其妄如此

羔裘

字亦作求

云舍命不渝箋云舍猶處也王肅云舍受也

棟案舍猶釋也管子小問曰語曰澤命不渝信也徐廣史記注云古釋字作澤周頌載芟曰其耕澤澤爾雅作郝郝今亦讀為釋康成周禮注曰舍即釋也又士冠禮注云古文釋作舍是澤命即舍命也蓋古有

是語詩引之以美君子之信

列子云其人舍然大喜
曉之者亦舍然大喜舍

皆讀

為釋

子之昌兮俟我乎堂分箋云堂當為棖棟案古文論語

有申棖史記作申堂漢王政碑云有羔羊之繫無申

棠之欲

堂與棠同
見魯峻碑

是堂本與棖通故讀為棖非鄭之

改字也

子衿傳云青衿青領也正義曰釋罷云衣皆謂之襟李

巡曰衣皆衣領之襟孫炎曰襟交領也衿與襟音義

同棟案張有復古編云衿衣系也从糸今古作綫別作衿非又云衿衽也从衣金別作襟非衿與襟通與衿異正義混衿襟為一非也王伯厚云漢石經作子衿得之

縞衣綦巾聊樂我員釋文曰員本亦作云商頌箋曰員古文作云言古文以員為云也韓詩作魂案魂亦與云通中山經曰其光熊熊其氣魂魂魂猶云云也

呂覽圜道篇曰雲氣西行云云然

云亦古文雲字

薛夫子訓

魂為神失之

春秋正義引孝經說云魄白也魂云也是魂與云通云動也易繫辭云動靜云

為

敝筭在梁其魚魴鰈箋云鰈魚子也

古魂反

正義曰鰈魚

子釋魚文

今爾疋作鰈

李巡曰凡魚之子總名鰈也鰈鰈

字異蓋古字通用或鄭本作鰈棟案說文鰈从魚𦰇

省聲𦰇本昆弟字

古魂切

周人謂兄曰𦰇

爾疋作𦰇

从弟為

𦰇从魚為鰈與鰈同物同音非通用字也汗簡云古

論語昆作𦰇又云石經鰈作𦰇

齊子發夕傳云發夕自夕發至旦小宛詩云明發不寐
薛夫子王叔師皆訓發為旦故焦氏易林云襄送季
女至於蕩道齊子旦夕留連久處旦夕猶發夕也說
文云禮昏鼓四通為大鼓夜半三通為戒晨旦明五
通為發明發明猶旦明也

下經云齊子愔愔爾雅云愔愔發也郭璞云發發行

也

河水清且漣漪釋文云漣力漣反案說文漣即瀾或字
也音洛干切爾雅釋水正作瀾

漸漸之石箋云與衆
豕涉入水之波漣漣

金史卷五
即淵字故一本作

淵陸氏音連亦誤

卷五

胡取禾三百億兮傳云萬萬曰億箋云十萬曰億賈逵
唐固注國語皆以萬萬為億棟案徐岳數術記遺曰
黃帝為法數有十等及其用也乃有三焉十等者億
兆京垓秭壤溝澗正載三等者謂上中下也其下數
者十十變之若言十萬曰億十億曰兆十兆曰京也
中數者萬萬變之若言萬萬曰億萬億曰兆萬兆
曰京也上數者數窮則變若言萬萬曰億億億曰兆

兆兆曰京也甄鸞曰毛注曰萬萬曰億此即中數也
鄭注云十萬曰億此即下數也鄭注以數為多故合
而言之上數宏廓世不可用

韋昭楚語注云十萬曰億古數也今人乃以萬

萬為億是中數之說始于秦漢也

三歲貫女魯詩貫作宦外傳國語云入宦於吳韋昭曰

宦為臣隸也

嘯堂集古錄有臣數印其字作臣數

貫當讀為宦徐邈音

官此宦字之誤傳云貫事也蓋本爾疋而與宦義亦通婁壽以為宦即貫字恐未然也

素衣朱襪傳云襪領也諸侯繡黼丹朱中衣箋云繡當
為綃綃黼丹朱中衣中衣以綃黼為領丹朱為純棟
案鄭氏此說蓋从魯詩

見士昏禮注

焦贛曰素衣朱襪衣

素表朱也

見此祭者傳云三女為祭案說文云三女為姦姦美也从
女奴省聲字林从女奴不省廣韻引此傳亦作娶

周伯

琦六書正訛云許云

見此奴者俗用祭非

有杖之杜云噬膚適我傳云噬逮也韓詩噬作述云及

也案爾疋釋言云逕逮也與毛傳合从走不从口方言云噬逮也北燕曰噬逮通語也

載獫狁箋云載始也始田犬者謂達其搏噬始成之也朱子謂以車載犬休其足力恐非重人賤畜之義張衡西京賦云屬車之造載獫狁獮寧得謂以副車載犬耶蓋文似相連而意不屬耳

小戎箋云此羣臣之兵車故曰小戎案齊語及管子云十軌為里故五十人為小戎里有司帥之韋昭曰此

有司之所乘故曰小戎古者戎車一乘步卒七十二人今齊五十人棟謂韋氏所據乃司馬灋文六月詩所謂元戎也七十二人為大戎五十人為小戎其周之制與

無衣云與子同澤傳云澤潤澤也箋云釋褌衣近污垢案說文褌袴也袴為脛衣非褌衣也釋名曰汗衣近身受汗垢之衣也詩謂之澤作之用六尺裁足覆胃背汗衣滋液故謂之澤毛說是也釋文不云鄭異字正義

謂易傳為釋非也

宛丘詩云子之湯兮傳云湯蕩也陸氏曰舊音他浪反
棟案湯本古蕩字王逸引此詩正作蕩猶蕩蕩無思
慮兒也古文論語云君子坦蕩蕩鄭康成注云魯論
作坦蕩是古皆以蕩為蕩
古又以蕩為湯地理志
河內蕩陰縣小顏音蕩
音他郎反者非

穀旦于差王肅音嗟韓詩作嗟古嗟字或省文作差然
此詩差字仍當從鄭音初佳反

金匱要略卷五
可以棲遲嚴發碑云西遲衡門說文云西鳥在巢上象
形日在西方而鳥棲故因以為東西之西或作棲从
木妻是西為古文棲也

防有鵲巢印有旨苕後漢志注博物記云印地在陳國
陳縣北防亭在焉詩云印有旨苕防有鵲巢

胡為乎株林毛氏傳云株林夏氏邑劉昭曰陳有株邑
蓋朱襄之地

有蒲與荷正義曰如爾雅則夫渠之莖曰茹

見釋草

此

言荷者意欲取莖為喻亦以荷為大名故言荷耳樊
光注爾雅引詩有蒲與茹然則詩本有作茹者案揚
雄反離騷曰衿芰茹之綠衣兮被夫容之朱裳師古
曰茹亦荷字見張揖古今字譜

檜王符潛夫論云會在河伊之間其君驕貪嗇儉滅爵
損祿羣臣卑讓上下不臨詩人憂之故作羔裘閱其
痛悼也匪風冀君先教也會仲不悟重氏伐之上下
不能相使禁罰不行遂以見亡余案節信此言蓋本

周書史記此高辛時有鄩之君非外傳檜仲也是以
汲郡古文云帝高辛十六年帝使重帥師滅有鄩左
史戎夫所云重氏伐之鄩君以亡是也世本云陸終
娶鬼方氏妹曰女嬪生子六人四曰求言是為鄩人
鄩人者鄭是

宋衷曰求言名也
姁姓所出鄩國也

陸終在高辛之後或

因有鄩之墟而封之後為鄭武公所滅耳王符之說
失之

素冠詩云棘人櫟櫟兮傳云棘急也棟案棘古瘠字義

雲章作瘰義雲切韻又作腓

見汗簡

字相似因誤為棘

呂覽任地曰肥者欲棘高誘曰棘羸瘠也詩云棘人

之藥藥

東山詩云零雨其濛

王逸引作蒙云賦兒

說文引作霏从雨𠂔象

零形石鼓庚文云霏雨奔流又鐘鼎文皆以霏為令

周公東征四國是皇傳云皇匡也董氏曰齊詩作匡賈

公彥引以為据則是皇讀為匡爾疋皇匡皆訓為正

白虎通云言東征述職周公黜陟而天下皆正也

法言又作王

伐木許許傳云許許梯兒說文引作所所云伐木聲也

从斤戶聲

許所古字通

尋詩意毛說為長朱子詩傳引淮

南子云舉大木者呼邪許案邪許者舉木之聲非伐木

也

漢書疏廣傳數問其家金餘尚有幾所師古曰幾所猶言幾許也禮說曰所者削桡猶斯者析薪故斯

所皆从斤說文依毛傳而云所所伐木聲連聞其聲近見其貌傳言貌者以伐木之桡與縮酒之茅

天保云俾爾單厚傳云單信也或曰單厚也箋云單盡也棟案

王符潛夫論引此詩本作亶故傳訓為信鄭本作單

故為盡亶與單古今字

周頌云於禋熙單殿心單國語引作亶

采薇云歲亦陽止又杖杜云日月陽止
案董仲舒雨雹對云十月陰雖用事而陰不孤立此月純陰疑于無陽故謂之陽月詩人所謂日月陽止者也鄭采薇箋用董說

由儀萬物之生各得其宜也宜東哲補亡詩引作儀李善注云毛萇詩傳儀宜也倉頡篇曰宜得所也此與角弓如食宜饁文王宜鑒于殷皆當从韓詩禮記作儀訓為宜尚書盤庚曰若顛木之有由蘖說文由作

𠂔云古文作由木生條也是由訓為生故序稱萬物之生徐錯云由本古文𠂔後人通用為因由等字

為龍為光傳云龍寵也案龍讀為寵昭十二年傳云公賦蓼蕭叔孫昭子曰宴語之不懷寵光之不宜令德之不知同福之不受焦氏易林曰蓼蕭露瀼君子寵光鳴鸞唯唯福祿來同是書傳皆讀龍為寵王肅周易師之九二象曰在師中吉承天寵也訓為寵今易作寵知龍為古文寵故傳云龍寵也商頌長發曰何

天之龍箋云龍當作寵寵榮名之謂

天保云吉蠲為饌釋文云蠲舊音圭案呂覽曰臨飲食必蠲絜高誘曰蠲讀為圭蓋三家詩本作吉圭惟饌

故高讀从之

孟子曰卿以下必有圭田趙岐曰圭潔也

六月云如輕如軒傳云輕執也攷工云大車之轅執其登又難注云執輶也輶人云軒執之任淮南人間云道者置之前而不執輶錯之後而不軒高誘曰輶音

志从車不从手

既夕禮云志矢一乘軒輶中鄭氏云輶輶也是執輶又作輶

搏獸于教水經注引云薄狩于教東京賦同徐堅初學
記引作搏狩棟案狩本古獸字故鄭箋云田獵搏獸
也何休公羊注云狩猶獸也淮南覽冥云狡蟲死高
誘曰蟲狩也漢石門頌云慈虫孽狩婁壽曰義作斃
獸若經文作搏獸鄭氏之箋不已贅乎

唐石經仍
作搏獸

既伯既禱說文引云既禡既禡云禱牲馬祭也周禮大司
馬云有司表貉先鄭云貉讀為禡禡謂師祭也又甸
祝表貉杜子春讀貉為百爾所思之百書亦或為禡

後鄭肆師注云貉讀為十百之百蓋貉讀為禡又讀
為百百即伯也字異而音義皆同甸祝又云禡牲禡
馬杜子春云禡禱也詩云既伯既禱後鄭云禡如伏
誅之誅今侏大字棟案尚書無逸曰禱張為幻馬融
本作輶爾疋及詩又作侏毛傳云侏
侏張也揚雄國三老箴
曰負乘覆餗姦寇侏張李善曰輶與侏古字通然則
禡侏禱侏四字皆同音也

吉日庚午翼奉曰南方惡行廉貞寅午主之西方喜行

寬大已酉主之二陽並行是呂王者吉午酉也詩曰
吉日庚午棟梁穆天子傳云天子命吉日戊午又云
吉日辛酉天子升于昆侖之丘此王者吉午酉之證
也穆天子書出于晉代而奉說與之合當亦傳之先
達者

鶴鳴于九臯韓詩章句曰九臯九折之澤楚辭章句澤
曲曰臯王充亦言鶴鳴九折之澤孫叔敖碑云收九
臯之利婁壽曰本澤字云水省非也臯即臯字馬文

淵所謂四下羊也

案文當云四下半半音工刀反从四半聲漢時已誤半為羊故馮文

淵辨之

正月云赫赫宗周衰似威之傳云威滅也案靈臺碑云興威繼絕騶氏竟銘云肱虜殄威詛楚文伐威我百姓皆以威為滅

十月之交云蕃維司徒古今人表蕃作皮案魯國有蕃縣應劭曰蕃音皮是蕃有皮音故亦作皮也儀禮既夕云設披鄭注云今文披皆為蕃案披从手皮聲

見說

文藩與蕃同故以披為蕃聲之誤也鄉射禮云君國中射則皮樹中注云今文皮樹為繫豎是古皮繫同音故韓詩作繫白袞魯國記云陳逸子游為魯相蕃子也國人為諱改曰皮白袞晉人未識古音故有是說

古蕃繫皆音婆春秋傳有蓬罷音皮公羊作頗是皮亦有婆音

冢伯維宰案古今人表有大宰冢伯是冢伯作冢伯故鄭箋以冢宰釋之

豔妻煽方處

說文煽作煽

傳云豔妻袞似美色曰豔案魯詩

十月之交云此日而食于何不臧又曰閭妻扇方處
言厲王無道內寵熾盛政化失理故致災異日為之
食為不善也中候擿雒戒曰剌者配姬以放賢山崩
水潰納小人家伯罔主異載震孔穎達云剌豔古今
字以剌對姬為其姓以此知非衰妣也鄭從魯詩為
厲王時事是也

下經云皇父孔聖作都于向汲郡古文幽王元年王錫大師尹氏皇父命

六年皇父作都于向鄭氏詩序箋云作詒訓傳時移其篇第毛公秦人必有所據未可盡非

抑此皇父箋云抑之言噫噫是皇父疾而呼之徐邈音

噫韓詩云抑意也案意即噫也周頌噫嘻成王定

本作意淮南繆稱曰意而不戴高誘曰意志聲抑本

與意通蔡邕石經論語云意與之與古文意作抑

大雅

有抑篇外傳作懿

韋昭云懿讀曰抑

雨無正云若此無罪淪胥以鋪韓詩云熏胥以痛熏帥

也胥相也痛病也言此無罪之人而使有罪者相帥

而病之是其大甚

後漢書注

漢書叙傳云烏乎史遷薰胥呂

刑晉灼曰齊韓魯詩作薰薰帥也从人得罪相坐之

刑也顏籀曰韓詩淪作薰薰者謂相薰蒸棟謂薰閣也
春秋傳云呂韓起為閣薰與閣通易艮之九三曰厲
薰心荀爽本薰作勲虞翻本又作閣胡廣漢官解詁
曰光祿勲勲猶閣也易曰為閣寺是薰與閣通之證
胥胥靡也漢書楚元王交傳曰申公白生諫不聽胥
靡之應劭引此詩云淪胥以鋪胥靡刑名也呂氏春秋
曰傳說殷之胥靡高誘曰胥靡刑罪之名詩言王赦
有罪之辜而反坐無罪者以薰胥之刑也三家詩得

之毛公誤也

荀爽本云厲動心注云互體有震震為動古動數字每相亂樂記謹以立動注

云動或為熱淳于長夏承碑云策薰著于王室劉向說苑曰大王有聖人之思故事熱育

小旻云謀夫孔多是用不集發言盈庭誰敢執其咎傳

云集就也韓詩作就

見外傳

尚書顧命曰克達殷集大

命蔡邕石經達作通集作就是集讀為就與咎協韻也

如匪行邁謀是用不得於道案左傳襄八年子駟引此詩杜元凱注云匪彼也行邁謀謀於路人不得於道

衆無適從顧炎武云案詩云謀夫孔多是用不集發言盈庭誰敢執其咎則杜解為長棟案此必三家詩有作彼者故杜據彼為說雨無正云如彼行邁其意略同顧又云古有以匪字作彼者襄廿七年引詩彼交匪敖作匪交匪教案漢書引桑扈詩亦作匪又荀子勸學云詩云匪交匪紆天子所予今采菽詩上匪字作彼或古匪彼通用如顧說也

九經古義卷五

欽定四庫全書

經部
九經古義卷八

詳校官監察御史_臣施朝幹

給事中_臣溫常綬覆勘

總校官庶吉士_臣何思鈞

校對官助教_臣蔡鎮

謄錄監生_臣段文新

欽定四庫全書

九經古義卷六

長洲惠棟撰

毛詩古義

小宛詩曰握粟出卜是何能穀古者卜筮先用精鑿之米以享神謂之糝中山經曰糝用稌淮南說山曰巫用糝籍郭璞高誘皆云祀神之米楚辭云巫咸將夕降兮懷椒糝而要之王逸曰言巫咸將下願懷椒糝要之使筮者占茲吉凶之事是也故曰者列傳云

卜而有不審不見奪糶詩言貧者不得精鑿之米貞
于陽卜而但持卷握之粟求兆於猪肩羊膊雖得吉
卜安能為善乎管子云守龜不兆握粟而筮者屢中

言無與於吉凶也

糶王逸郭璞皆音所莊子云鼓筴
播精司馬彪曰簡米曰精釋文云

精一音所則當作數精非也此必糶字之誤王伯厚
曰文選注作播糶故音所崔詵云鼓筴播精言賣卜
說文曰翦財卜問曰貶从貝足聲讀若所然則日者
傳奪糶當作奪貶胥與足同墨子曰有二生於此
善星一行為人筮者與處而不出者其精孰多公孟
子曰行為人筮者其精多精者精鑿米也漢書五行
傳云卜請其策而藏之乃吉於是布幣
策告之師古曰說者以為策者糶米

巧言曰僭始既涵傳云涵容也鄭音咸云涵同也韓詩
作減減少也棟杗古咸字作減春秋傳云咸黜不端
諸本咸或作減說文云涵水澤多也毛既訓涵為容
當从省文作函函本與咸通周禮伊耆氏共其杖咸
鄭注云咸讀為函司馬相如封禪文云上咸五下登
三徐廣曰咸一作函漢書天文志間可械劔蘇林曰
械音函容也毛音含訓為容鄭音咸訓為同義竝得
通薛君以為減少之減失之

何人斯云爾之安行亦不違舍熊氏經說云舍與車盱
協音作舒便合讀作舒春秋哀六年齊人弑其君荼

音舒

公羊作舍字音舒自古有之棟案史記律書云舍

者日月所舍舍者舒氣也是舍有舒義故有舒音
大田詩云俶載南畝箋云俶讀為熾載讀為留粟之留
地理志云梁國留縣故戴國春秋正義曰古者留戴
聲相近故鄭玄詩箋讀俶戴為熾留棟案詩俶戴字
不作戴春秋戴國陸氏釋文作載石經作戴戴與載

字本通絲衣詩載弁俵俵箋云載猶戴也陳留戴國
本亦作載故隋時置戴州顏籀以為誤而駁蓋未知

字之相通也

釋名云戴載也
載之於頭也

去其螟螣說文曰螟蟲食穀葉者吏冥冥犯法即生螟

螣蟲食苗葉者

釋蟲云
食葉螣

吏乞貸則生螣

吏乞貸者周
書所謂奸吏

濟貸也

詩曰去其螟螣螣古文作螣見朱育集字與

毛詩合唐公昉碑作螣孫叔敖碑作昏與說文略同
呂覽五月紀曰百螣時起高誘曰螣讀近殆兗州人

謂蝗為螭其音與說文說亦同

瞻彼洛矣傳云天子玉琕而玼玼諸侯盪琕而璆玼大夫鐻琕而鏐玼士琕琕而琕玼正義云傳因琕玼歷道尊卑所用似有成文未知所出說文玉部云禮云佩刀天子玉琕而玼玼諸侯盪琕而璆玼士琕琕而玼玼又云琕佩刀上飾玼佩刀下飾天子以玉諸侯以金說文所稱禮者蓋逸禮也棟聞之爾足者六經之訓詁也其釋器一則云黃金謂之盪其美者謂之

鏐白金謂之銀其美者謂之鐸又云以蜃者謂之玼
豈非以禮有成文而為是說與毛公詩傳多識故實
可以補傳記之缺學者省之

桑扈云兕觥其觥說文引云兕觥其斛从角斗聲云角貌
良耜云有楸其角箋云楸角貌穀梁傳云展斛角而
知傷范甯云斛球球然角貌則觥與球皆當作斛周
伯琦六書正譌云斛从角斗聲俗作觥非

樂酒今夕君子維宴王逸楚詞章句引云樂酒今昔云

昔夜也昔夕古字通穀梁傳曰日入至于星出謂之

昔崔謨莊子注云昔夕也管子小匡云旦昔從事旦

昔猶旦夕也

列子曰尹氏有老役夫昔昔夢為國君注云昔昔夜夜也

瓠葉云有兔斯首箋云斯白也今俗語斯白之字作鮮

齊魯之間聲近斯有兔白首者兔之小者也正義曰

宣二年左傳曰于思于思服虔曰白頭兒字雖異蓋

亦以思聲近鮮故為白頭也案爾雅釋詁曰鮮善也

釋文云本或作警沈旋曰古斯字又說文雨部云霹

从雨鮮聲讀若斯此鮮與斯聲近之證

旋沈約子

漸漸之石云山川悠遠惟其勞矣箋云山川者荆舒之國所處也其道里長遠邦域又勞勞廣濶言不可卒服正義云廣闊遠遼之字當從遼遠之遼而作勞字者以古之字少多相假借詩又口之詠歌不專以竹帛相授音既相近故遂用之此字義自得通故不言當作遼也案昭七年左傳云隸臣僚服虔解詁曰僚勞也共勞事也秦勞古音同故潦水亦作滂水師古

注上林賦潦音牢勞勞之語見孔氏聘辭潦與遼皆從寮聲知古字通也

文王云於昭于天正義曰尚書注云

鄭注尚書

於者鳴聲則

於鳴古今字案說文及義雲章古鳥字皆作於鳥本鳴呼字古文春秋傳皆然於字相似因訛為之

大明云覩天之妹傳云覩磬也說文曰覩譬諭也韓詩作磬磬譬也傳不訓為譬言而云磬者蓋讀覩為磬也殷商之旅其會如林說文引此詩會作旻春秋傳云旻

動而鼓杜元凱以旛為旃故馬融廣成頌曰旛旛森其如林

檀車煌煌駟驥彭彭箋云兵車鮮明馬又彊則暇且整

小足出車云旂旐央央傳云央央鮮明也棟紫漢有

鮮明騎見魯峻石壁殘畫又朱浮墓石壁人物有鮮

明隊

皆見隸續

司馬彪輿服志云若會耕祠主縣假給辟

車鮮明卒史記褚少孫撰任安傳云小吏上書言任

安受太子節發兵言幸與我其鮮好者索隱云鮮音

仙謂太子請其鮮好之兵甲也漢書辛慶忌傳云慶忌惟好輿馬號為鮮明此與皇矣箋以畔援為跋扈

畔援亦作畔渙叙傳云項氏畔渙注云猶言跋扈

皆當時之語

跋扈將軍見漢人所撰梁

冀別傳范氏作漢史採入傳中

會朝清明傳云會甲也甲朝者一朝也古皆以甲為一如第為甲第觀為甲觀今為甲令夜為甲夜書曰壹戎殷言役不再籍也戰國策張儀曰昔者紂為天子帥天下將甲百萬以與周武為難武王將素甲三千

領戰一日破紂之國禽其身據其地高誘曰一日甲子之日也大公望為號到牧野便尅紂故曰一日毛公以意說詩故訓會朝為甲朝又云不崇朝而天下清明不崇朝者不終朝也後人泥于訓詁或訓為甲子之朝或訓為甲兵之甲皆非毛公之意

古公亶父古公者故公也說文云古故也穀梁傳云踰年不即位是有故公也猶言先王先公穆天子傳云大王亶父

周原陂陂此名國之始也汲郡古文云武乙元年邠遷于岐周三年命周公亶父高誘呂覽注云岐山在右扶風美陽之北其下有周地周家因之以為天下號也

乃慰乃止傳云慰安案方言云慰居也江淮青徐之間曰慰是慰與止同義

皇矣云其葛其翳傳云木立死曰葛李巡爾疋注云以當死害生曰葛棟案葛者側立之象木死不卧以根

著于地故謂之菑鄭氏周禮注云泰山平原所樹立
物為菑聲如載博立梟基亦為菑菑猶事也

患夷載路毛讀患為串鄭如本字釋之正義云患夷者
患中國之夷棟案董仲舒云書文止于一者謂之忠
持二忠者謂之患混夷之人荒忽無常故謂之患夷
患夷載路鴟鵂革響矣一說說文無串字古患字
作患串乃古貫字晉姜鼎云令俾聿通楊南仲訓為毋
與貫同棟案明堂位云宗鼎貫鼎大璜封父龜鄭氏

云崇貫封父皆國名貫之與昆同物同音故繇詩謂之混皇矣詩謂之串尚書大傳云文王受命四年伐犬夷六年伐崇鄭注云犬夷混夷也皇矣伐崇之詩時混夷已平故云載路崇鼎貫鼎皆伐二國時所得之寶故與封父同稱則串夷之為貫無疑矣

度其鮮原居岐之陽周書和寤曰王乃出圖商至于鮮原孔晁曰近岐周之地汲郡古文曰帝辛五十二年秋周師次於鮮原則鮮原乃商周之境鄭訓為善非也

正義及蘇氏皆誤以為程邑王氏地理攷亦未及引
蓋博物之難如此

與爾臨衝傳云臨臨車也衝衝車也案文當云隆隆車
也隆高也巢車之類鹽鐵論云衝隆不足為強高城
不足為固韓詩作隆衝後漢殤帝諱隆改隆為臨漢
有隆慮縣東京為臨慮避諱也

臨慮屬河內郡亦作
林高誘注淮南仍作

臨隆之字曰盛故伏隆為伏盛

見東觀漢記

孔穎達以為

臨者臨下之名失之左氏定八年傳云主人焚衝注

云衝戰車釋文云說文作輶陷陳車也衝車隆高故可焚

下武云昭茲來許傳云許進訓許為進未詳所出案後漢志載東觀漢記引詩云昭茲來御蔡邕獨斷云御者進也與傳合疑傳寫之誤

行葦忠厚也周家忠厚仁及草木棟案漢儒皆以行葦為公劉之詩班叔皮北征賦曰慕公劉之道德及行葦之不傷寇榮曰公劉敦行葦世稱其仁王符曰詩

云敦彼行葦牛羊勿踐履方苞方體惟荼握握公劉
厚德恩及草木牛羊六畜且猶感德趙長君曰公劉
慈仁行不履生草運車以避葭葦長君从杜撫受學
義當見韓詩也

既醉云永錫爾類傳云類善也王逸曰類法也案荀卿
子禮論曰禮有三本天地者生之本也先祖者類之
本也注云類種稟廿二年傳云子展廢良而立太叔
曰請舍子明之類良子明子是類為子呂覽權勳篇

云齊王謂觸子必刻若類又云若殘豎子之類皆謂
類為子周語叔向曰類也者不忝前哲之謂也韋昭
云言能以孝道施於族類故不辱前哲之人後漢書
劉平傳云平抱弟仲女云仲不可以絕類郅惲傳鄭
敬云今幸得全軀樹類注云樹類謂有子嗣故鄭箋
改傳以為族類是也

假樂云民之攸斃傳云斃息也正義曰釋詁云四息也某
氏曰詩云民之攸斃郭璞曰今東齊呼息為四則斃

與𠬞古今字也棟案說文𠬞仰涂也非休息之謂又說文口部引詩云犬夷𠬞矣東夷謂息為𠬞正義以𠬞與𠬞為古今字未知何據釋詁云𠬞休𠬞息也爾雅

釋文云𠬞本或作𠬞

玉篇云𠬞息也今為𠬞𠬞與𠬞字相似毛

公傳詩多據爾雅說文無𠬞字則釋詁𠬞字當依玉篇作𠬞故某氏于此下引詩云民之攸𠬞大足民勞云汜可小𠬞傳云𠬞息甘棠詩云召伯所𠬞釋文云𠬞本又作𠬞揚雄賦云度三壘兮偁棠梨師古曰偁

讀曰憇說文心部云惓息也从心曷聲徐鉉曰今別

作憇非是然則甘棠詩憇字當作惓假樂詩既字當

作𦉰

洞酌詩同又谷風詩伊余來𦉰皆从土既或古字假借以𦉰為𦉰

公劉傳云𦉰小山別於大山也劉熙釋名曰小山別大山曰𦉰音彥𦉰𦉰也𦉰一孔𦉰形孤出處似之也爾雅云小山別大山鮮與毛傳異毛於皇矣傳仍用爾足此傳或別有所據

汔可小康箋云汔幾也釋詁曰𦉰汔也𦉰古幾字見碧

落文汗簡云

板詩云天之方難無然憲憲傳云憲憲猶欣欣也棟案

欣讀為軒古憲獻二字皆有軒音樂記曰武坐致右

憲左鄭注云憲讀為軒劉熙孟子注

文選注引

曰獻猶軒

軒在物上之稱也左傳掀公出於淖徐邈云掀許言

反是古音欣與軒同鄭注內則云軒讀為憲二字又

反復相訓

吳時姚信有昕天論云昕讀為軒見月令正義說文昕讀若希與此異

天之牖民如堦如筮傳云牖道也箋云王者道民以禮

義則民和合而從之如此說文曰牖譚長以為甫上

日也非戶也棟案甫上日从昏而明道民以禮義猶

昏而照之以天光也

尚書大傳云文王有四隣以免乎牖里之害又商傳云太公與

三子見文王於羗里羗本古文誘字正

義云牖與誘古今字韓詩外傳牖作誘

抑詩云用邊蠻方箋云邊當作剔剔治也泮水詩云狄

彼東南箋云狄當作剔韓詩作髣云除也士喪禮云

四髣去蹄注云今文髣為剔棟案邊古文逖

見說文

義雲章又作愁訓為剔左氏僖廿八年傳云糾逖王

慝漢都鄉正街彈碑云糾別王伋遜訓遠見爾雅或
从狄省文也

桑柔云靡所止疑傳云疑定也正義云疑音疑棟案鄉
飲酒禮云賓西階上疑立注云疑讀為伋然从於趙
盾之伋疑然立自定之兒音魚乙反正義音疑非也
孔棘我國箋云圉當為御棟案漢書強禦字皆作強圉
又管子書多以圉為禦

雲漢云耗數下土箋云數敗也棟案數當作殫汗簡云

古文尚書數作殲故春秋繁露引此詩云耗射下土射與數通數本訓厭毛詩古文作殲鄭隨文釋之故訓為敗

崧高云往近王舅傳云近已也箋云近辭也聲如彼記之子之記毛居正六經正誤云近說文作𠂔从丌从𠂔音基𠂔音緯今作近音記字訛作近不敢改也說文云近者古之道人以木鐸記詩言从𠂔从丌亦聲讀與記同玉篇云近今作記今釋文唐石經皆

作近世傳寫之誤

鄭讀如彼記之記者王風揚之水云彼其之子箋云其或作記或作

已讀聲相似故毛訓為已鄭讀為記

蒸民云古訓是式傳云古故訓道箋云故訓先王之遺

典也說文引詩作詁訓

言部

云訓故言也張揖雜字云

詁者古今之異語也訓者謂字有意義也郭氏爾

雅有釋詁釋訓樊孫等爾雅皆為釋故

見詩釋文

釋訓菽

文志詩有魯故韓故齊后氏故孫氏故毛詩故訓傳

唐石經及正義皆作詁訓釋文作故訓正義云定本作故

書有大小夏侯解故皆

所謂故訓先王之遺典也小顏曰故者通其指義孔
穎達以為古訓者故舊之道故為先王之遺典何其
謬與周書大開武曰淫文破典典不式教民乃不類
荀卿子引傳曰博聞彊志不合王制君子賤之皆謂
不式古訓者也

正義首卷詁訓傳下亦引是詩以為
證與此疏異者顧君寧人所謂諸儒

義疏不出一
人之手是也

江漢云匪疚匪棘箋云棘急正義云棘急釋言文彼棘
作械當作音義同案釋言云械徧急也注云皆急狹

鹽鐵論引詩云撿允孔熾我是用戒戒即憾也毛詩
戒作棘是棘與戒古字通

瞻卬云蠱賊蠱疾釋文蠱作蜚云本又作蠱棟案蠱本
作蠱从蟲不从𧈧昆古文蠱作蜚从虫从年釋文是
也

清廟釋文云廟本又作廟古今字也棟案士冠禮廟字
亦作廟說文云廟古文廟

周公既成洛邑朝諸侯釋文洛作維云本亦作洛字從

水後漢都洛陽以火德為水尅火故改為各傍佳棟
案陸氏此說見魚豢典略然案宋育集字以雝為雝
則古本有此字非始於後漢也

維天之命於穆不已正義曰譜云子思論詩於穆不已
孟仲子曰於穆不似棟案說文以字從反已漢書皆
作呂與已同檀弓注云以已字以與已字本同又與
似相通易明夷曰文王以之箕子以之鄭氏本以皆
作似斯干詩云似續妣祖箋云似讀如已午之已正

義曰直讀為己不云字異則古者似己字同於穆不

己師徒異讀是字同之驗也

譜云孟仲子
子思弟子

假以溢我說文引云譏以溢我譏嘉善也廣韻引云譏

以謚我左傳又云何以恤我

襄廿七年

毛傳云假嘉謚慎

案譏與何音相近故訛為何溢與謚字相類謚又與

恤通皆訓為慎古文虞書云惟刑之恤哉伏生尚書

恤作謚此其證也

貽我來牟漢書劉向傳引作釐麤云釐麤麥也始自天

降說文云來周所受瑞麥天所來也故為行來之來

棟案郭鼎卿字指

後漢中庶子

釐字从釐徐仙民讀與來

同

載芟云有略其耜

俗作耜

傳云略利也釋文云字書作耜

棟案耜本籀文鋸字故釋詁云耜利也相有鋒鋸乃

能熾苗其田畝略無訓利之文當从字書作耜唐石

經亦作畧非

萬億及秭廣韻云秭千億也風俗通云千生萬萬生億

億生兆兆生京京生穉穉生垓垓生壤壤生溝溝生澗澗生正正生載載地不能載也

良耜云以開百室周書作維曰都鄙不過百室以便野事都鄙謂采地井田六鄉則一族六遂則一鄙皆百室也周禮百室之制都鄙與鄉遂同也

酌告成大武也案儀禮漢書作勺

禮樂志獲赤雁歌云勺椒漿靈已醉是勺

與酌同

左傳作爲周禮士師云八成一曰邦勺先鄭云爲讀如酌酒尊中之酌陸氏詩釋文云酌亦作爲

正義云古今字

保有厥士棟梁士古文土見周牧敷史記云有邦有士
告汝祥刑今尚書呂刑士作土呂覽任地云后稷曰
子能使吾士靖而剛浴士乎高誘曰士當作土

泮水云薄采其茆傳云茆鳧葵也周禮醯人有茆菹
鄭大夫讀茆為茅杜子春讀茆為卯說文引詩云言
采其茆徐仙民音柳與說文合案汗簡云古文尚書
以茆為縮左傳縮酒說文引作茜茜與茆同與鄭大

夫說合不得訓為鳧葵矣茆本以卯不从卯周禮茆

菹北人皆音柳非也

律歷志云
冒茆於卯

閼宮曰后稷之孫實維大王居岐之陽實始翦商傳云

翦齊也箋云翦斷也

鄭注周禮翦氏云翦斷滅
之言也詩云實始翦商

棟案毛鄭

二說皆非也爾疋釋詁曰翦勤也周自后稷受封以

來世有爵土自不窋失官社稷幾不血食至於大王

初遭獯鬻之難自幽遷岐始能光復祖宗修朝貢之

職勤勞王事至於文王三分有二尚合六州之衆奉

勤于商

見周書程典篇

武王初循服事之誠末年然後受命

皆所謂續大王之緒也

楊慎據說文引詩作載商解云福也以為大王始受福於

商而大其國案說文戈部云載滅也宋本亦然說與鄭氏合無訓載為福之文惟爾疋及天保傳云載福也然實始福商其說大鑿恐未然也

戎狄是膺荆舒是懲史記建元以來侯者年表云戎狄

是應荆荼是徵裴駟注毛傳云應當也鄭元云徵艾

爾雅云應當也故傳从之說文云膺受也又訓受與

傳異今作膺者蓋沿孟子之誤孟子多俗字當以史

記所引為正

商頌玄鳥云奄有九有傳云九有九州韓詩作九域訓

與毛傳同棟案域當作或說文曰或邦也从口从戈

以守一一地也古或字作有有字作又亦作或

詳尚書攷

商書云九有以乚又云以有九有之師皆九州也

上云

正域彼四方傳云域有也案域亦當作或

武王載旆史記湯曰吾甚武號曰武王旆說文引作拔

治也荀子引作發拔與發通

公叔文子名拔或作發見禮弓注

與下

協韻

周禮大司馬中夏教菱舍鄭注云菱讀如萊沛之沛沛與沛皆音蒲貝及與菱舍音通是沛亦

薩為拔古

音通也

周頌絲衣鴈鴈及鴈釋文云鴈音茲徐音災郭音才說文曰鴈从鳥才聲郭音是也史記音義引此詩鴈作哉云哉音資案哉與才通張平子碑云徃才女諧邢昺曰哉古文作才鴈省文作才音資失之

惠棟曰王伯厚謂鄭康成先通韓詩故注三禮與箋詩異案鄭志荅貝模云為記注時就盧君先師亦然後

乃得毛公傳記古書義又且然記注已行不復改之
盧君謂盧子幹也先師謂張恭祖也續漢書盧植與
鄭玄俱事馬融同門相友玄本傳云玄又從東郡張
恭祖受韓詩故記注多依韓說六執論云注詩宗毛
為主毛義若隱畧則更表明如有不同即下已意案
鄭箋宗毛然亦間有從韓魯說者如唐風素衣朱襮
以黼黻為綃黼十月之交為厲王時皇矣侵阮徂共
為三國名皆从魯詩衡門可以樂飢以樂為療十月

之交抑此皇父抑讀為意思齊古之人無數數作擇
泮水狄彼東南狄作鬻皆韓詩說也

鄭漁仲以素衣
朱絢為齊詩未

詳

鄭漁仲云漢氏文字未有引詩序者惟魏黃初四年有
曹共公遠君子近小人之語蓋詩序至是而始行棟
案左傳襄二十九年季札見歌秦曰美哉此之謂夏
聲服虔解詁云秦仲始有車馬禮樂之好侍御之臣
戎車四牡田守之事與諸夏同風故曰夏聲

詩正義
引之

又蔡邕獨斷載周頌三十一章盡錄詩序自清廟至般詩一字不異何得云至黃初時始行于世耶漁仲又謂詩序作于衛敬仲亦臆說

毛公傳詩世謂趙人毛萇撰而不知為大毛公也薛君為韓詩章句世謂淮陽薛漢撰而不知為薛夫子也大毛公名亨魯人著故訓傳見詩譜及初學記薛夫子名方回字夫子廣德曾孫漢之父也見唐書宰相世系表

九經古義卷六

欽定四庫全書

九經古義卷七

長洲惠棟撰

周禮古義

天官腊人注云腊之言夕也說文昔乾肉也从殘肉日以晞之與俎同意籀文作𠂔从肉昔夕古字通穀梁傳云日入至于星出謂之昔管子云旦昔從事王逸楚辭章句引詩云樂酒今昔是皆以昔為夕昔之為物經夕乃乾故言夕或作夂夂猶昔也外傳云厚味

實腊毒韋昭曰腊讀若厖昔酒漢之酋父白酒亦云
昔酒張參五經文字云說文作昔石經作昔

大宰六典二曰教典以擾萬民注云擾猶馴也案春秋

傳云乃擾畜龍應劭曰

史記注

擾音柔擾馴也尚書擾

而殺徐廣曰擾一作柔字本作擾見玉篇擾有柔音
故史記或作柔又有馴音故李軌徐邈皆音尋倫反
或音而小反失之

九賦注云賈人倍算此漢律也應劭漢書注云漢律人

出一算算百二十錢唯賈人與奴婢倍算

小宰八成一曰聽政役以比居先鄭云比居謂伍籍也比地為五因內政寄軍令以伍籍發軍起役者平而無遺脫也李靖曰春秋左氏傳云先偏後伍又司馬法曰五人為伍尉繚子有束伍令漢制有尺籍伍符後世符籍以紙為之於是失其制矣

宮正幾其出入注云謂幾呵其衣服持操及疏數者釋文呵作荷音呼何反又音何毛居正六經正誤云案

閩人注苛其出入比長注呵問秋官薛氏苛察環人
苛留凡五處音義皆同而字或作荷或作苛或作呵
其實一也古字通用借用大抵如此漢書誰問作何
責問作呵亦作訶刻虐作苛樊渠作荷棟案刻虐之
苛字本作荷毛詩序云哀刑政之荷春秋傳云荷慝
不作漢書好持荷禮是也

今本皆作荷非也

荷擔之荷本作

何易何天之衢論語何蕢是也責問之呵本作苛漢

乙令有呵人受錢

見陳羣新序

說文云廷尉說律至以字

斷法苛人受錢苛之字止句也苛从止从句則為苛
字經典所無然古文可與句通康誥云盡執拘以歸
于周說文引書云盡執柯但苛从艸从可不从止以
苛為止句故說文以為不合孔氏古文

內饗馬黑脊而般臂螻注云般臂臂毛有文疏云鄭荅
冷剛童牛之牯牛在手曰牯牛無手以前足當之此
馬亦然故言般臂北山經曰諸毗之水其中多水馬
其狀如馬文臂牛尾郭璞云臂前脚也周禮曰馬黑

脊而班臂腰

外饗饗士庶子注云士庶子衛王宮者若今時之饗衛士矣續漢書禮儀志云饗遣故衛士儀百官會位定謁者持節引故衛士入自端門衛司馬執幡鉦護行行定侍御史持節慰勞以詔恩問所疾苦受其章奏所欲言畢饗賜作樂觀以角抵樂闋罷遣勸以農桑案前漢饗衛士於曲臺後漢於平樂觀

瘍醫以五氣養之注云五氣當為五穀字之誤也何焯

云氣訂義音餽則字不必改而義得矣棟案說文饋
客芻米白氣氣本餽字經傳無五氣之文內經云五
穀為養五果為助五菜為充故鄭據此五氣當為五
穀訂義非也

酒正四飲二曰醫注云醫之字從毆從酉省也案文當
云从毆从酒省說文云毆病聲酒所以治病也周禮
有醫酒

司裘注中秋鳥獸毆毆釋文云毆音毛棟案毆當為髦

字之誤也鄭氏尚書云中秋鳥獸髦統中冬鳥獸毳
髦涉下而誤耳

內司服注六服皆袍制以白縛為裏使之張顯今世有
沙穀者名出于此釋名曰穀粟也其形足足而蹶視
之如粟也又謂沙穀亦取蹶蹶如沙也

說文云穀細
縛也與鄭說

合

地官廛人注故書廛為壇杜子春讀壇為廛說云市中
空地玄謂廛民居區域之稱案管子五輔篇曰辟田

疇利壇宅荀卿子云定廛宅是古廛字皆作壇也

土訓注鄭司農云訓讀為馴案訓與馴古今字史記五

帝紀云帝堯能明馴德徐廣曰馴古訓字又殷本紀

帝舜命契曰百姓不親五品不馴後漢書又作訓

古文

作遜
作遯

萬石君傳馴行考謹亦作訓易坤初六象曰

馴致其道鄭注云馴從也徐爰音訓依鄭義漢書韋

玄成傳玄成詩云惟我節侯顯德假聞左右昭宣五

品以訓訓與聞協則知訓讀為馴先鄭之說信矣

大司徒以土圭之壤測土深正日景以求地中注云故
書求為救杜子春云當為求案救當作投古文求說
文引虞書云旁救倂功蔡邕石經般庚云罷非救舊
皆以投為求

古救字作𢇛
義字作求

其附于刑者歸于士注云士謂主斷刑之官或謂歸于
園土鄭以古土字有作士者故復以園土釋之詩周
頌云保有厥士義作土世本作篇云相士作乘馬即
相土也呂覽任地云后稷曰子能使吾士靖而畊浴

士乎高誘曰士當為土周牧敦亦以士為土

小司徒及三年則大比注云大比謂使天下更簡閱民數及其財物也鄭司農云五家為比故以比為名今時八月案比是也東觀記元初四年詔曰方今八月案比之時李賢後漢書注云案比謂案驗戶口次比之也續漢書禮儀志云仲秋之月縣道皆案戶比民疏云漢時八月案比而造籍書周以三年大比未知定用何月案管子度地篇云令曰常以秋歲末之時

閱其民案家人比地定什伍口數別男女大小其不
為用者輒免之有錮病不可作者疾之可省作者半
事之

鄉大夫以鄉射之禮五物詢衆庶五曰興舞注云故書
舞為無杜子春無讀為舞謂能為六舞古無與武同
音武又與舞通禮記云周坐尸詔侑武方注云武當
為無聲之誤也論語射不主皮馬融云射有五善焉
一曰和志體和二曰和容

疑和字衍

有容儀三曰主皮能

中質四曰和頌合雅頌五曰興武與舞同漢武梁祠
堂畫象云秦武陽今史記作秦舞陽知古字通

牛人共兵車之牛以載公任罷注任猶用也二老堂雜
誌云宋景文公博極羣書其筆記云余見今人為
學不及古人之有根柢每亦自愧常讀式目中有任
罷字注云未詳其任罷乃荷擔之具雜見子史中何
言未詳予謂禮牛人以載公任罷乃六經語而景文
但引子史何邪

師氏掌國中失之事以教國子弟注云中中禮者也失
失禮者也故書中為得杜子春云當為得記君得失
若春秋是也三倉曰中得也

史記
索隱

封禪書云康后與

王不相中周勃傳勃子勝之尚公主不相中皆訓為
得呂覽云禹為司空以通水潦顏色黎黑步不相過
竅氣不通以中帝心高誘曰中猶得然則中失猶得
失故鄭用杜說而不改字

保氏五射注鄭司農云五射白矢參連刺注褰尺井儀

也釋文云襄音讓本作讓諸音非棟案讓亦音襄古
字通大戴記投壺篇本云弓既平張四侯且良決拾
有常既順乃讓乃揖乃讓

讓从言
栗聲

乃濟其堂乃節其

行既志乃張是讓有襄音

詩角弓讓
與亡叶

調人云凡有鬪怒者成之鄭司農云成之謂和之也和
之猶今二千石以令解仇怨後復相報移徙之此其
類也何休公羊注云古者諸侯有難王者若方伯和
平之後後相犯復故罪此調人成之之法也成之者

何和之也王褒集僮約注云漢時官不禁報怨

引見御覽

故二千石以令解之令者漢令有和難之條鄭云後復相報移徙之者案後漢桓譚疏曰今人相殺傷雖已伏法而私結怨讐子孫相報後忿深前至於滅戶殄業而俗稱豪健故雖怯弱猶勉而行之此為聽人自理而無復法禁者也今宜申明舊令若已伏官誅而私相殺傷者雖一身逃亡皆徙家屬於邊其相傷者加常二等不得雇山贖罪如此則仇怨自解譚所

云舊令即先鄭所云移徙之法也

質人同其度量壹其淳制注杜子春云淳當為純純

謂幅廣制謂匹長案管子作縛制制分篇云衡石一

稱斗斛一量丈尺一縛制戈兵一度

上經注云量度若今處斗斛及

丈尺愚謂斗斛屬量

戈兵屬度管子是也

掌節皆有期以反節注云將送者執此節以送行者
皆以道里日時課如今郵行有程矣漢書趙充國傳
云充國陳兵利害六月戊申奏七月甲寅璽書報從

充國計此郵行有程之證

遂師及窆抱磨注云磨者適歷執紼者名也疏云天子
千人分布六綽之上分布稀疎得所名為適歷棟謂
歷當作秣說文秣稀疎適也讀若歷稀疎適均故謂
之適歷

稍人掌令丘乘之政令注云丘乘四丘為甸甸讀與維
禹敝之之敝同其訓曰乘由是改云疏云案毛詩云
惟禹甸之不為敝者鄭先通韓詩此據韓詩而言敝

陳是軍陳故訓為乘由甸出車一乘可以為軍故改
云乘不為甸也棟案陳古文陳見義雲章小司徒注
云甸之言乘也讀如中甸之甸又甸祝注云甸之言
田也小宗伯注云甸讀為田古陳田字同陳又訓乘
又與甸通

司稼巡野觀稼以年之上下出斂法注云斂法者豐年
從正凶荒則損若今十傷二三實除減半疏云鄭舉
漢法以況義十傷二三三者謂漢時十分之內傷二分

三分餘有七分八分在實除減半者謂就七分八分
中為實在仍減去半不稅於半內稅之案後漢紀云
永元五年詔今年郡國秋稼為旱蝗所傷其什四以
上勿收田租有不滿者以實除之注云所損不滿四
者以見損除也然則不滿四者謂十傷二三也十四
以上勿收田租則不在歛法之內矣

春官司几筵注云筵亦席也鋪陳曰筵籍之曰席然其
言之筵席通矣大射儀曰賓升就席注云今文席為

筵是筵與席古今字故云筵席通

職喪注云職主也周書大聚云立職喪以恤死

大宗伯以血祭祭社稷五祀五嶽注云故書祀作禋鄭
司農云禋當為祀案小祝保郊禋于社杜子春讀禋
為祀說文云祀或从禋汗簡云古文尚書以禋為祀
五命賜則注云王莽時以二十五成為則方五十里合
今俗說子男之地王莽傳云諸公一同有衆萬戶土
方百里侯伯一國衆戶五千土方七十里子男一則

衆戶二千有五百土方五十里附城大者食邑九成
衆戶九百土方三十里自九以下降殺以兩至於一
成五差備具合當一則案十里為成成百戶故方百
里為萬戶方七十里為四千九百戶言五千舉成數
也方五十里為二千五百戶皆與王制合附城猶周
之附庸自九成至一成降殺以兩五差計之合一則
二十五成之數呂覽慎勢云三者之封建也彌近彌
大彌遠彌小海上有十里之諸侯附城一成其古制

與康成謂唯劉子駿識之爾

小宗伯云凡王之會同軍旅甸役之禱祠肆儀為位注
云若今時肆司徒府也漢書淮南王傳云與諸侯王
列侯會肆丞相諸侯議注云肆詣也漢舊儀曰哀帝
元壽二年以丞相為大司徒

肆師注尚書傳曰王升舟入水鼓鐘亞觀臺亞將舟亞
宗廟亞案尚書大傳亞作惡鄭注云惡讀為亞施宿
石鼓文釋云亞汗簡作亞云古孝經作惡詳易古義

凡師不功則助牽主車注云故書功為工鄭司農工讀
為功古者工與功同字

凡國之大事治其禮儀注云故書儀為義鄭司農云義
讀為儀古者書儀但為義今時所謂義為誼

司几筵設莞筵紛純注云紛如綬有文而狹者漢官
儀云綬長一丈二尺濶三尺故云有文而狹

冢人以爵等為丘封之度與其樹數注云別尊卑也
王公曰丘諸臣曰封漢律曰列侯墳高四丈闕內侯

以下至庶人各有差易大傳云不封不樹虞翻注云
穿土稱封封古窆字也聚土為樹其說與家人合丘
者丘隧故曰王公曰丘封者葬下棺故曰諸臣曰封
樹數高下無明文因引漢律以證之疏以封為聚土
樹為樹木皆失之

鄭注檀弓仍以封
為高下之數非也

大司樂凡有道者有德者使教焉注云道多才藝者
德能躬行者若舜命夔典樂教育子是也釋文云育
音胃本亦作胄說文引虞書云教育子云養子使作

善也今薛宣書古文亦作育爾疋育冑皆訓長故馬季長注尚書亦云冑長也教長天下之子弟詳尚書

攷

以樂德教國子中和祇庸孝友注云中猶忠也案中與忠通漢呂君碑云以中勇顯名義作忠後漢王常為漢忠將軍馮異傳作中古文孝經引詩云忠心藏之

何日忘之

見釋文

今毛詩作中

曾子大孝篇云仁者仁此者也義者宜此者也

忠者中此者也
知忠與中同

凡六樂者文之以五聲播之以八音注云故書播為藩
杜子春云藩當為播讀如后稷播百穀之播棟案古
藩字亦作播尚書大傳五行云播國率相行事鄭注
云播讀為藩

今去樂注云去樂藏之也春秋傳曰壬午猶繹萬入去
籥萬言入則去者不入藏之可知案古人皆謂藏為
去春秋傳云去樂卒事又云紂焉以度而去之公羊
傳云去其有聲者皆訓為藏顧炎武云漢書蘇武傳

掘野鼠去中實而食之師古曰去謂藏之也陳遵傳
皆藏去以為榮師古曰去亦藏也魏志華陀傳云藥
以待不祥臣松之案古語以藏為去

樂師詔來瞽皋舞注云鄭司農云皋當為告玄謂皋之
言號告國子當舞者舞說文曰禮祝曰皋登訶曰奏
故皋奏皆从本周禮曰詔來鼓皋舞皋告之也先鄭
讀皋為告者戰國策曰商君告歸延篤以為告歸今
之歸寧也東觀漢記田邑傳云邑年三十歷卿大夫

號歸罷厭事少所嗜欲號歸即告歸也皋讀為告告
讀為號皋告同音故大祝注云皋讀為卒嗶呼之嗶
漢書記云高祖嘗告歸之田服虔云告音如嗶呼之
嗶是告又讀為嗶然則皋告嗶二字同物同音故二

鄭所讀亦無兩義

顧縮注漢書以為告字假為嗶音並無別義熊朋來經說又以鄭氏

前後異讀皆不識古音而妄下雌黃者也

大胥注漢大樂律曰卑者之子不得舞宗廟之酌除吏
二千石到六百石及闕內侯到五大夫子先取適子

高七尺以上年十二到年三十顏色和順身體修
治者以為舞人疏云既云取七尺以上而云十二到
三十則十二者誤當云二十至三十又引鄉大夫職
以為證棟密劉昭後漢補注引盧植周禮注所載大
樂律七尺作五尺鄭注論語云六尺謂年十五以上
則五尺為十二審矣賈疏失之

鐃師凡軍之夜三鼙皆鼓之守鼙亦如之注云守鼙
備守鼓也杜子春云一夜三擊備守鼙也春秋傳所

謂賓將趨者音聲相似夏官掌固云夜三鑿以號戒
杜子春云讀鑿為造次之造謂擊鼓行夜戒守也春
秋傳所謂賓將趨者趨與造音相近故曰終夕與
燎案鑿說文作𧇖云夜戒守鼓也从豈蚤聲禮昏鼓
四通為大鼓

注作鑿引司馬法云云

夜半三通為戒晨旦明五

通為發明

注作𧇖

讀若戚鄭于鼓人注用叔重之說杜

子春又云鑿讀為憂戚之戚與說文合賈疏云言鑿
者聲同憂戚取軍中憂懼之意趨造音相近長言

為趨短言為戚

鞮鞻氏掌四夷之樂注云四夷之樂東方曰韎南方曰韠西方曰株離北方曰禁詩云以雅以南是也後漢

書陳禪傳云尚書陳忠劾禪曰古者合歡

白虎通作觀

之

樂舞於堂四夷之樂陳于門故詩云以雅以南韎任株離注云毛詩無韎任朱離之文蓋見齊魯之詩也

今亡

大卜原兆注云原原田也周易比卦云原筮元永貞

干寶曰原卜也周禮三卜一曰原兆春秋傳曰原田
岢岢說文云岢艸盛上出也高印之田圻如龜文故
曰原田兆之璽罍有似高印之田

爾雅云高
平曰原

故曰原

兆賈疏以為原與原田字同恐大憤憤也

大祝六號五曰廩號注云廩號為黍稷皆有名號也曲
禮曰黍曰薌合梁曰薌箕稻曰嘉疏案禮記正義云
隋秘書監王劭勘晉宋古本皆無稷曰明粢一句立
八疑十二證以為無此一句為是今此注所引亦無

是句當在十二證之一也又獻帝宗廟祝嘏辭所薦
一元大武柔毛剛鬣商祭明眎薌合嘉疏醎醑豐本
而不及明粢又蔡氏獨斷載祭宗廟禮牲之別名及
祭號等皆與曲禮同獨無稷曰明粢一句

九擇三曰空首穆天子傳云天子賜許男駿馬十六許
男降再拜空首郭璞云空首頭至于地

九經古義卷七